

欽定剿平粵匪方略

欽定勦平粵匪方略卷三百 壬戌年

四月初十日 壬戌 都興阿奏言逆衆二十餘萬突

來揚州城下晝夜撲犯幸我軍爭先奮勇以少
擊多該逆屢經勦擊著名悍賊傷斃甚多無從
施其狡詐四月初一日遂乘大雨夜遁當派候
補副都統杜嘎爾徐州鎮總兵詹啟綸等率兵
跟追該逆退至龍虎集徐家集新城一帶踞險

紮營經我馬隊分投衝殺紛紛逃遁殺斃數百
名天晚收隊臣查揚防軍務守重於戰惟就現
有兵力聯絡布置庶幾完善可保此次大股逆
匪勢甚猖獗揚防雖萬分喫緊臣未敢乞援他
處蓋恐客兵未悉情形或務虛名而受實害也
惟臣祇能守禦揚防不能兼顧浦六自愧才輕
任重有負

天恩仍仰懇

皇上另簡大員來揚接辦則江北軍民幸甚奏入

上命議政王軍機大臣傳諭都興阿曰逆匪大股攻
撲揚城前據都興阿疊次奏報均經覽悉並經寄
諭該將軍際此勢處萬難正應公忠體國力濟時
艱不得遽請另行簡員致敬慎之忱轉同於推諉
至該將軍所部兵力不敷分布亦經諭令俟李鴻

章之軍行抵鎮江便可聯絡聲勢著都興阿仍遵
前旨於李鴻章到鎮後將一切攻剿事宜和衷商
辦以副委任

同日楊載福奏言臣前因病請假趕緊診治日
來漸就痊愈已定期於本月二十六日由湖南
乾州驛城扶疾就道趕赴安徽軍營力圖進剿
奏入報

聞

十一日癸亥慶端奏言處州歸逆分股屯聚麗水

縣之碧湖松陽縣之大港頭徧紮營壘負嶠抗
拒三月初九日總兵林文察密派參將林文明
等由雲和之五都一路進逼賊營林廷棟又率
勇潛至大港頭進剿該逆不虞衆軍猝至棄壘
向碧湖逃遁計斃匪數百名卽將大港頭地方

收復查處郡踞逆與松陽遂昌各股逆匪窺伺
龍泉爲圖擾閩疆之計臣因龍泉係浦城松溪
各縣門戶遂昌則與衢州之龍游江山壤地緊
接並有閒道可達浦城是以飭令林文察扼紮
龍泉先拔遂昌以除心腹之患迨遂昌縣城克
復賊卽併聚松陽蔓延雲和景甯茲竄擾雲景
之賊均經擊退遊擊賴得福之三幫臺勇由總

兵曾玉明統帶赴溫總兵秦如虎添募之楚勇亦陸續入閩溫處兩路兵力漸集臣已飭林文察與曾玉明一軍聯絡合力進剿規復處州郡縣迅掃逆氛奏入

上命議政王軍機大臣傳諭慶端左宗棠曰遂昌旣經克復雲和景甯之匪亦經擊退難保該逆不竄入閩境龍泉係浦城松溪各縣門戶遂昌與衢州

之龍游江山壤地相接並有開道可達浦城現在
處溫兩路兵力漸集著慶端卽飭林文察等軍合
力進剿將處州郡縣各城規復毋稍延誤峽口爲
江閩要隘與浦城相距甚近中間祇隔仙霞一關
如峽口被陷逆勢可以直趨廣玉亦可竄入閩境
著左宗棠會同商酌嚴飭各軍四面夾擊毋令旁
出肆擾

慶端又奏言署浙江處州鎮總兵特保上年九月間因賊由松陽竄撲處州府城當卽會同在城文武督率兵勇迎頭截擊該匪水陸並進我軍擊沈賊船二隻傷斃賊目數名賊勢已挫詎大股逆匪擁至我軍衆寡不敵以致郡城失陷該員衝出重圍收集兵勇退守石帆旋因探知逆匪欲由海濱下竄遂移紮海日地方以杜竄

越節經臣檄飭會合援師迅速規復查該員特保失守處州郡城雖無聞警先逃情事惟不能固守實難辭咎應請

旨將署浙江處州鎮總兵台州協副將特保卽行革職責令帶罪攻克郡縣各城儻再不知振作另行嚴參治罪奏入

上諭內閣曰署浙江處州鎮總兵台州協副將特保

於上年賊匪竄撲處州不能固守以致郡城失陷
特保著卽行革職責令帶罪隨同各軍迅將該郡
縣各城攻克以贖前愆若再不知振作卽行嚴叅
治罪

同日西安將軍托明阿陝西巡撫瑛棨固原提
督孔廣順前都察院左副都御史張芾奏言據
河南新蔡縣知縣韓承宣馳稟粵逆攻撲縣城

連發地雷圍逼甚緊該縣登陴固守一面選派
奮勇潛至賊營殺斃長髮賊匪二百餘名生擒
三十餘名內有僞啟王梁姓訊明正法等語旋
據督辦商南防務之署陝安鎮總兵閻丕敏候
補道李祝齡稟稱新蔡竄匪由富水關逼近商
雒南山一帶署商州協副將張維義帶兵迎剿
賊蹤剽疾已從商南西竄商州經知州曹熙督

兵守禦擊斃賊目多名城圍稍鬆適臣孔廣順
一軍趕到聲勢甚壯賊卽分竄孝義廳屬之蔡
玉窩葛牌鎮等處且聞尙有續竄股匪分道入
陝圖撲省垣臣等已挑選西安馬隊四百名由
營總烏蘭都統帶前赴咸甯縣屬之尹家衛地
方屯紮以防竄突奏入

命議政王軍機大臣傳諭官文嚴樹森瑛棨鄭元

善孔廣順張芾曰此股粵逆竄擾商南未能得手
卽西竄商州經知州曹熙等極力守禦擊斃賊目
城圍稍解適孔廣順趕到該逆卽分竄孝義廳屬
之蔡玉窰葛牌鎮等處且聞尙有續竄股匪現在
瑛棗等挑選西安馬隊四百名由烏蘭都統帶前
赴尹家衛地方屯紮孔廣順現抵商州卽著責成
調度妥爲堵遏陝省營伍久弛瑛棗本不知兵當

此粵匪偏近非有得力之軍不能堵遏鄖陽防兵
卽著官文等迅催前進不得稍涉遲緩陝省地屬
完善雖孔廣順向來帶兵得力久著聲威但獨力
究恐難支著鄭元善卽飭楊飛熊督帶馬步各軍
繞出賊前迎頭截擊鄭元善勇於任事頗能不分
畛域諒能力保完善斷不肯以驅賊出境卽爲塞
責

瑛檄又奏言陝省商雒漢中各防疊經臣會同
張芾飭令嚴密堵禦茲逆匪由商南富水關闖
入陝境署陝安鎮閫丕敏候補道李祝齡責成
專辦防務並不豫籌阻截署商州協副將張維
義帶兵迎剿亦未遏賊西竄陝安道張守岱於
川匪竄赴陽平關助剿未能得力均難辭咎當
此防剿喫緊之際未便稍事姑容請

旨將署陝安鎮總兵閻丕敏候補道李祝齡署商州
協副將張維義陝安道張守岱均革職留任飭
令防剿以觀後效奏入

上諭內閣曰陝西署陝安鎮總兵閻丕敏候補道李
祝齡經該撫飭令專辦商南防務並不豫籌堵截
以致該匪由富水關闖入署商州協副將張維義
帶兵迎剿未能遏賊西竄陝安道張守岱於川匪

竄赴陽平關助剿未能得力均難辭咎著一併革職留任仍責令帶隊堵剿以觀後效

十二日甲子官文曾國藩多隆阿奏言廬郡城大

而堅護城河身甚寬逆首陳玉城率悍賊四五萬衆嬰城固守倚水爲險衆軍雖四面進紮均難近逼城下袁甲三派總兵張得勝率勇五千餘人駐紮橫店尙離城十餘里未克進逼臣多

隆阿籌思再四擬將河水挖放以便攻城遂於
二月二十六日乘沙霧迷漫令總兵雷正綰率
領所部列隊東門南門得勝門沿河一帶佯作
攻城之狀飭副將朱希廣陶茂林等督兵馳赴
東門又飭總兵石清吉率五營馳赴西門均距
城里許埋伏以防城壘之逆分襲我後復飭臣
所部親兵四營多帶鋤鋤更替挖隄地勢外高

內窪城上槍礮絡繹施放我軍自二十七日至二十九日不避艱險連夜出隊決放河水詎城賊偵知衆軍空隄由東門西門突出賊衆七八千人分路來撲經朱希廣陶茂林石清吉等伏兵齊出該逆知我有備未敢迎敵敗退入城三月初一日在東門城外搜獲陳逆致僞扶王陳得才等密文三件均係調潁州河南等處賊衆

分股回救廬郡並囑陳得才點足精壯悍賊二
萬人由壽州一路來援又探聞江南之賊紛紛
渡江聲言救援廬郡伏思南北兩岸援賊同時
蠢動陳逆狡謀善戰死守待援我軍戰守機宜
倍宜慎重臣等自當嚴飭各軍一面迎剿援賊
一面進攻廬郡以期迅克堅城奏入

上命議政王軍機大臣傳諭官文曾國藩袁甲三李

續宜曰廬郡城大而堅護城河身甚寬多隆阿官軍難逼城下派兵更替挖隄決放河水並將城內出撲之賊擊退惟地勢外阜內窪所決隄岸務須就外面地勢較低之處開挖河道以便水有去路方不致徒勞無功著官文曾國藩卽飭多隆阿相機辦理現獲陳逆致僞扶王等密書欲調潁州河南等處並壽州賊匪回援廬郡多隆阿務宜乘援

賊未至之先督飭諸軍迅速進攻張得勝一軍現在駐紮橫店離城尙十餘里著袁甲三卽飭該總兵乘勢進逼城下會合楚軍迅克廬城毋令援賊紛集城下我軍腹背受敵致垂盡之賊餘燼復燃廬城東面路通巢湖該逆被圍緊急難保不由巢湖水路四出擄糧並著多隆阿將東面水路一帶設法嚴防以斷城中接濟兼可堵遏逆匪竄逸之

路其路通、潁壽各要隘並著袁甲三李續宜會商分派將士嚴密堵截以杜賊援毋稍疏忽

十三日

乙丑

駱秉章奏言石逆大股沿江南竄由

南沱一帶竄至涪州城外小河對岸山梁屯紮涪州知州姚寶銘等督團堵禦該逆勢不能逞乃由小河上游之朱家觜等處涉淺偷渡直撲州城姚寶銘等登陴固守該逆圍攻不退臣所

派之已革知府唐炯帶黔勇由重慶水路下駛
於三月十二日抵涪副將唐友耕一軍繼至適
臬司劉嶽昭前隊亦到該逆正挖掘地道意圖
疾攻當經唐友耕分隊進城一面會商唐炯等
分路進剿在籍參將徐邦道亦帶練勇出城夾
擊各軍往來衝殺乘勢搶據山梁賊遂紛紛潰
竄我軍立將仰天窩堡子城一帶賊壘概行踏

數是日共計殺斃燒斃並生擒之賊八九千名
城圍立解臬司劉嶽昭親督後隊於十三日馳
抵涪城探知該逆已敗竄蘭市鎮一帶慮其由
南岸浦偷渡北岸適道員張由庚馳至李渡溪
劉嶽昭等卽令暫駐該處以扼北渡兼防鶴遊
坪之賊劉嶽昭唐友耕各率所部渡江由北岸
捷徑馳赴重慶抄至賊前以便攔頭截擊唐炯

率勇暫駐涪州以防回竄臣復飛飭劉嶽昭等
約會唐炯上下夾擊爲一鼓聚殲之計此次諸
軍力戰解圍實屬奮勉謹將尤爲出力各員弁
先行開列仰懇

恩獎奏入

上諭內閣曰官軍攻勦石逆獲勝立解涪州城圍著
略秉章卽飭唐炯會同劉嶽昭等沿江上下夾擊

務將此股竄匪悉數殲除總兵銜儘先副將唐友
耕著以總兵儘先升補參將徐邦道朱湘霖謝景
春均著以副將補用遊擊羅全新著以參將補用
副將李盛貴著賞加總兵銜已革夔州府知府唐
炯著開復原官翎枝仍以知府留於四川卽補並
免繳捐復銀兩其餘出力員弁著略秉章擇尤保
奏

十四日丙寅慶端奏冒江山石門等處踞匪連日

出竄經副將曾元福於三月初二日馳抵江山
之峽口飭令蔡潤澤等分隊前進該逆出隊迎
拒曾元福揮軍鏖戰擊斃賊匪二百餘名該逆
復以馬隊包抄我軍勇氣百倍力戰四時之久
勇目洪百祿等擊斃逆匪多名其分踞大溪灘
塘源毛村等處之賊屢次圖犯江山縣城經署

藩司李元度督軍擊退均有斬擒三月初二初三等日李元度親率十營進剿毛村賊巢行抵盪窰地方逆首譚姓帶賊萬餘把守頭卡遊擊喻科癸參將鍾志瑞等首先進攻參將李正盛等從左路抄擊遊擊徐國香等抄截賊卡之後賊無退路我軍趕殺伏屍滿地進逼毛村連破賊卡十一座追奔六七里是日轟斃溺斃之賊

數以千計初五日僞侍王率大股由蘇家嶺遙擁而來逼近峽口曾元福整隊迎敵該逆三次衝撲均經我軍擊散殺賊甚多曾元福復令都司楊鳳元等由小路進剿適該逆數萬分路包抄我軍奮擊斃賊無算當卽收隊兵勇亦有傷亡查江山一路閩浙官軍連日攻剿擒斬甚多惟初五日之戰因僞侍王大股突至峽口各營

衆寡不敵稍有挫失現在續派兵勇均已馳赴
江山之仙霞關一帶步步進紮撫臣左宗棠督
隊截擊屢獲勝仗臣已令副將周萬遠等合力
夾擊以期聚而殲旃

同日左宗棠奏旨查僞侍王李侍賢率巨股由
金華龍游上犯衢城於東南路之大洲等處連
營數十里衢州鎮總兵李定太署衢州鎮總兵

崇志署金衢嚴道江允康署衢州府知府吳艾
生等嬰城固守二月十八日臣率各營馳抵常
山水南地方探聞該匪分股竄踞招賢一帶衢
城糧運隔絕將成坐困之勢卽派知府劉典督
同都司張人和等各率所部由左路進同知李
耀南等各帶所部由右路進同知劉璈等各率
所部相機接應十九日齊抵招賢該逆不及列

隊棄械狂奔我軍奮力追殺斬馘二百餘級於是
是衢城糧路始通賊之犯江山縣城者屯踞北
路大溪灘楷竹街四都一帶東路塘源毛村一
帶又聞侍逆李侍賢由大洲竄至江山調金華
巨股前來臣激署藩司李元度嚴密堵禦一面
派隊分兩路至四都楷竹街截殺三月初一日
甫行抵大陳地方該逆偵知大軍將至卽於是

夜遁走其塘源毛村之賊屢犯江城俱經李元
度擊退初三日李元度親率十營分路進剿毛
村賊巢行抵盩厔地方僞主將譚星率衆萬餘
列隊抗拒遊擊喻科癸等首先衝入賊勢不支
參將李正盛等各率所部從清湖繞出賊後賊
卽奪路狂奔各軍乘勢追擊忽小清湖賊萬餘
過河來撲李元度卽率各軍回援喻科癸李正

盛亦分路齊進立斃悍賊百餘名追殺六七里
是日兩獲全勝殺斃溺斃者數百名初五日該
逆復糾黨上竄撲犯峽口閩軍營盤閩軍先勝
後挫退回浦城賊遂於該處屯紮肆行焚掠下
白清湖花園港口門江郎街等處上至峽口鳳
林等處連營數十里勢復猖獗臣以其地達福
建之浦城浙江之處州龍泉江西之廣豐玉山

日李定太江允康等函報援賊僞對王洪春元
率黨數萬已至雙橋二十五日我軍移營進紮
一面攻撲老巢一面迎勦援賊而該逆卽於是
夜向上臺毛村一路潛遁李侍賢負隅自固於
形見勢誅之餘猶復堅忍相持并死抗拒又糾
合巨股來援意在闌入江西今援賊爲臣軍所
阻或由衢州仍回大洲全旺老巢或由遂昌竄

向龍泉均屬未定臣現留安越軍八營及江西
仁右營副將顧雲彩長左營卽補道王德榜等
照舊駐守與江山各營聯絡一氣以固江西藩
籬一面飛飭總兵崔大光等四營回軍華埠相
機截擊臣自率各營卽日由常山跟蹤追剿以
期悉數聚殲均奏入

上命議政王軍機大臣傳諭慶端左宗棠曰逆黨上

竄峽口撲犯閩軍營盤閩軍先勝後挫退回浦城
賊遂於該處屯紮肆行焚掠下自清湖上至峽口
等處連營數十里勢甚猖獗已經左宗棠據實馳
陳而慶端則但稱逆匪來徧峽口副將會元福整
隊迎敵將賊擊退殺賊甚多復令都司楊鳳元等
由小路進剿斃賊無算兵勇亦有傷亡復稱侍逆
大股突至峽口各營衆寡不敵稍有挫失不但閩

軍敗退情形諸多含混卽該督摺內所陳各節前後亦自相矛盾慶端以獲咎留任之員自當激發天良力圖補救乃奏報軍情竟敢任意欺飾而於將領中之挫敗無能者並不卽時奏劾實屬形同聾瞶現在左宗棠督率各軍已將石門花園港等處賊匪擊走該逆向上臺毛村一路潛遁著左宗棠嚴飭在事員弁跟蹤追剿乘其喘息未定悉數

殲除第浙軍攻勦得手則閩境更覺可虞瑞安景甯雲和等處之賊雖報擊退難保不去而復來突入閩境慶端務當督飭閩省在事將領會同浙軍將峽口鳳林等處賊營併力勦洗嚴杜浙賊入閩之路以期稍贖前愆儘再任令賊匪竄入閩疆或闌入江境該督恐不能當此重咎也

上諭內閣曰此次官軍回援衢州江山兩城圍解勦

辦甚屬認真著左宗棠督飭各路官軍跟蹤追剿
務令悉數殲除勿留餘孽

慶端又奏言叅革道員張啟煊先因溫郡偏近
逆氛帶隊馳赴平陽將瑞安防務暫交在籍紳
士孫鏘鳴督團布置二月十六日青田之賊竄
入瑞安之白沙嶺擾及河上橋等處孫鏘鳴集
團迎擊獲勝該逆分股包圍生員孫貽穀親帶

勇團奮衆寡不敵力竭陣亡臣飛飭張啟煊
折回瑞安督剿並飭總兵秦如虎派隊援應十
八至二十一等日張啟煊令職員張啟德等帶
團分路堵剿並令遊擊李世雄管帶陸路提標
兵丁扼紮中皮嶺張啟煊整隊前進行抵陶山
該逆蠡擁而來張啟煊令外委林高飛帶領小
隊力扼陶山隘口賊以馬隊疊次衝撲均經我

軍擊退遊擊陳允彩等分帶兵勇民團迎勦大
勝賊匪奔逃張啟煊督率將士三路進攻斬馘
多名賊匪退回青田其竄擾景甯之賊經知縣
管書勦調集兵團並經泰順瑞安各縣紳董管
帶團勇裹糧馳赴助勦將賊擊退其竄擾雲和
之賊亦被擊遠遁所有出力之官紳兵團容臣
另行擇尤保獎生員孫貽穀帶團勦賊力竭捐

軀殊堪憫惜應請

旨飭部從優議卹奏入

上諭內閣曰慶端奏瑞安等處勦賊獲勝辦理尙屬認真所有尤爲出力之官紳兵團著准其擇尤保奏毋許冒濫瑞安縣生員孫貽穀帶團勦賊力竭捐軀殊堪憫惜著交部從優議卹

左宗棠又奏言官軍攻克遂安縣城後臣令道

員王文瑞等駐守旋據稟稱二月二十日起大
段賊匪由瀋安竄近遂安分東北兩路圖撲城
垣王文瑞等飭各營堅壁勿出靜以待之該逆
旋即退去二十三日東路之賊直逼城外營壘
王文瑞令總兵丁長勝等率軍衝殺斃賊多名
該逆敗潰我軍猛追十餘里始行收隊甫近城
壘忽北路之賊又乘虛來犯副將王明輝督各

哨極力堵禦康榮詔等分路擊之賊又大敗是日兩戰約共殺賊二千餘名先是探報另股賊匪將由東亭來援而北路敗賊亦歸併東路二十八日擁衆五六萬直至城東築壘王文瑞憑城穩守見賊勢稍懈卽飭丁長勝等分路出擊王文瑞自率親兵督戰雖斃悍賊多名而該逆略無退怯迨丁長勝郭德馨等由後路抄出始

各敗退各勇乘勢連破諸壘該逆四散狂奔一
由淳安港口竄嚴州一由濟嶺竄徽州屯溪休
甯而去臣已飭王文瑞嚴密守禦並令總兵崔
大光等四營相機應援務期力扼要衝奏入

上諭內閣曰遂安官軍兩次擊賊獲勝立解城圍剿
辦甚爲得手仍著左宗棠督飭諸軍將敗殘各匪
悉數殲除毋留餘孽

欽定勦平粵匪方略卷三百一 壬戌年

四月十六日

戊辰

曾國藩彭玉麟奏冒自逆匪分

踞江北占定險要阻我進兵之路江蘇布政使

曾國荃到防後與水營總兵李成謀成發翔等

分撥陸隊會合水軍剋期進取三月十五日曾

國荃自率十二營由林臺過河以偏巢縣東北

一路並令劉連捷赴望城岡堅修營壘以扼巢

縣正南一路復令朱寬義等馬步各營助之營
牆甫築數尺巢城之賊分股來撲衆軍迎戰斃
賊四百有奇餘悉潰走各營駐紮既定曾國荃
派陳湜蕭孚泗成發翔等帶淮揚師船夾勦銅
城牐之賊維時成發翔先撥數營駛入清溪河
親率所部同蔡東祥賴榮光陳東友歐陽利見
來會於銅城牐渡口十八日我軍齊進賊卽出

復當進攻該鎮時曾國荃親率陸師星夜渡河
已至巢縣之背連營旗山鼓山一帶王東華水
師亦由清溪河進次巢縣之東門外至是成發
翔歐陽利見各率礮划先後駛抵河下併力奮
攻忽見城中煙燄橫飛旋獲賊諜訊供逆首僞
顧王吳于喏僞封天義徐侗江因巢北陸師進
而合圍歸路已斷焚屋燒糧圖向含山霄遁曾

國荃急令劉連捷等營協同水師於二十日會復巢縣而自將張勝祿武明良李臣典等十三營及楊鎮南所部騎卒三路跟追縱軍截勦伏尸數十里乘勝馳抵含山城外該城守賊不敢拒戰相率竄奔各軍遂入含山縣城二十二日曾國荃復拔營疾進偵知巢含漏網賊渠尙在鉞魚嘴過江乃以偏師向鉞魚嘴而以正兵進

襲和州逆首僞東天義劉惟久僞伺天安尹賈
瑞未及糾衆交鋒各營乘勢截勦殺斃甚衆追
至鍼魚嘴合軍勦洗江流盡赤遂將和州克復
北岸要區悉爲我有所未得者裕溪口而外尙
有西梁山爲第一重險二十三日曾國荃統全
勝之軍與水師循江而上維時李成謀外江水
師成發翔內河水師及蔡東祥等淮揚水師早

至西梁山下曾國荃一軍馳至見該處倚山爲險勢難仰攻令水師扼江面以擊賊船陸師布長圍以困賊壘是夜曾國荃結營冒雨偪壘而陣賊竟悉衆出壘向江洲一路衝走水師陸師爭起搏擊該逆紛亂引領受誅罕有脫者遂奪取西梁山撥軍駐守此次各軍異常奮勇連克城隘除曾國荃不敢仰邀議敘外其尤爲出力

及陣亡各員弁謹先行開列懇

恩飭部分別獎卹

曾國藩又奏言賊首僞匡王賴汶鴻敗入繁昌
復約踞賊僞佐將林有志等糾黨八千餘人嘯
聚松林口將謀再逞三月十九日分四路進逼
而來曾貞幹令黃潤昌等各出六成隊伍分道
馳剿並令晏恭山等營抄出三華山麓策應各

營兼備老山襲後之賊尙未拔營賊隊齊至更
番迎撲時值風順礮利先將賴林二逆乘勢擊
卻羣賊大亂蒼黃欲遁逆渠吳大嘴猶恃老山
伏賊未發回鞭轉鬪驅衆向前曾貞幹親率曾
正明等突入垓心槍擊吳大嘴殪之縱橫盪決
所向盡靡敗匪先後潰至馬口地方爭渡溺者
無數曾貞幹乘此聲威令黃潤昌等各撥兩哨

摘帶雲梯向松林口疾馳而進悉抵城下曾貞
幹所帶湘恆營設伏於松林口內一應攻城之
官軍一防蕪湖之賊援時至五更我營奮勇攻
城瞥見賴逆先率醜黨由南門拔關而遁急回
軍兜截曾貞幹率曾正明馬步伏兵前來夾擊
賴逆奪路向南陵涇縣竄走維時薄城將士愈
攻愈奮一擁盡入合力搜剿林逆率敗殘餘匪

乘閒潰逃遂於二十一日克復繁昌縣城計兩
日之戰擒賊三十四人斃賊一千六百餘名各
營將弁著有微勞除曾貞幹係臣胞弟不敢仰
邀議敘外所有尤爲出力各員弁謹先行開列
奏請

飭部獎敘

曾國藩又奏言浙江提督鮑超一軍攻拔青陽

後料該逆立腳未定利在速攻卽於三月二十一日由龍口率隊前行直抵石塢城壘各賊閉關死守鮑超飭令婁雲慶等分軍爲五翼時合圍附郭諸壘穴牆施礮向外猛擊我軍佯卻數武使賊少懈突將火器環壘飛擲燃及哨棚各營乘賊駭亂填濠而進殪賊無算踰平十四壘將賊驅入城中城上礮石交下將弁頗有傷亡

婁雲慶李文益熊鐵生顏紹榮等各親冒矢石
奮勇搏戰遂從西北二門斬關而入立復城池
該逆奪路狂奔追擊二十里殲斃五千有奇俘
獲近四百人石埭旣復賊愈惶懼因糾合援賊
萬餘衆由涇縣南陵而來羣集於甘棠鎮阻
我師之進路二十二日鮑超率馬步全軍倍道
馳往文九和等三營先從中路進擊劉順隆等

六營分兩翼包抄馮標等忽由山後整隊齊出衝動賊陣不復成伍盡棄甘棠賊壘十七座而逃我軍悉力追逐進薄太平縣各軍齊上賊遂啟東門望涇縣大道而逸當將縣城收復併擒僞主將徐國華僞安天義蕭幅勝等三十七人訊據供稱僞奉王古逆已爲亂軍衝散先是鮑超進取青陽正在圍攻未下忽有僞佐將張遇

春率衆萬餘來營乞降鮑超以勁敵在前遽收
降衆恐生他變諭令暫駐旌德之三溪至是太
平敗匪遁出黃華嶺外不滿七八千人將圖折
入三溪忽見張遇春整隊而來出賊不意縱橫
格鬪殺賊三千餘名生擒八百餘名古逆一股
幾無孑遺時鮑超已回軍甘棠旣得張遇春獻
捷之信旋聞涇賊將由潯灘至鳳村上竄二十

七日傳集各營並張遇春降卒成軍以進將及
鳳村賊已聞風遁入灣灘我軍奮勇疾馳遂薄
灣灘下寨該逆惶遽失措不能歸壘唐仁廉馬
勝奎舉旗縱馬直搗中堅盡破灣灘卡壘躡賊
尾追至於城下梅仁富先破西門水卡唐仁廉
等隨毀東南土壘一擁入城登時克復涇縣查
石埭太平南蔽黔歙涇縣東達宣城爲戰守所

必爭鮑超一軍自拔青陽後未踰七日連復三
城從此進剿甯國漸有把握在事出力員弁兵
勇可否容臣彙入青陽一案保獎之處出自

恩施

曾國藩又奏言據曾貞幹函稟三月二十七日
水陸會同克復魯港要隘蕩平石壘石卡奪獲
賊船賊礮甚多三十日克復南陵縣城其詳細

戰狀俟具稟到日續行奏報近日大江南岸克復城池六座關隘一處北岸克復城池三座關隘一處多隆阿圍攻廬州狗逆陳玉城固守不出四面援絕當易得手左宗棠一軍與僞傅王轉戰於常山江山一帶十六十八二十等日屢獲勝仗掃蕩賊壘無數臣現飭催鮑超一軍一面進圍甯國一面派隊由廣德馳救湖州奏入

上命議政王軍機大臣傳諭曾國藩袁甲三李續宜
曰近日江岸南北連克城池並關隘多處事機極
爲順利青陽縣城前已據曾國藩奏稱克復現復
攻克石埭太平涇縣繁昌並南陵五城徽郡北路
防務既可稍紓兼可南攻甯國東規蕪湖太平亟
宜乘此聲威一氣掃蕩著卽飭令鮑超等各軍迅
將甯國府城攻克進取廣德以期與湖郡聲勢聯

絡該府城被圍日久岌岌可危現經曾國藩飭令
鮑超派隊由廣德績溪等處分道援湖卽著迅飭
前往毋稍延誤蕪湖太平爲金陵西面要隘並著
該大臣飭令水陸各軍會合進攻先將蕪湖收復
再行攻取太平爲進擣金陵之計西梁山要隘業
經北岸官軍奪取其東梁山一處亦爲南岸緊要
隘口並著派兵乘勢克復庶水師可以沿江東下

勝祿著交部從優議敘副將蕭開印武明良朱寬
義朱惟堂均著交軍機處記名遇有總兵缺山請
旨簡放副將蔡東祥著賞給雄勇巴圖魯名號王
東華著賞給驍勇巴圖魯名號參將陳東友賴榮
光均著以副將歸於兩江補用朱洪章李臣典楊
鎮南均著以副將儘先推補知府陳湜著以道員
遇缺卽選彭毓橘著交軍機處記名遇有道員缺

出請旨簡放遊擊歐陽利見著以參將儘先補用
並賞加副將銜都司成俞卿著以遊擊儘先補用
並賞加參將銜陣亡把總鄭安盛張興富均著交
部從優議卹其餘在事出力員弁並著曾國藩等
查明保奏

上又諭內閣曰曾國荃一軍克復巢縣含山和州並
銅城牯雍家鎮裕溪口西梁山等處曾貞幹一軍

克復繁昌縣又據稟稱奪回魯港要隘攻克南陵
縣城曾國藩調度有方深堪嘉尙本當再沛恩施
用彰殊眷惟該大臣前次力辭節制四省至再至
三並另片奏稱一門之內數月之間異數殊恩有
加無已感激之餘繼以悚懼懇求金陵未克以前
不再加恩等語情詞懇摯出於至誠此次應卽俯
如所請不再加恩至曾國荃等宣力戎行連克要

隘洵足以褫賊魄而快人心若不量予恩施將何
以昭激勸頭品頂戴江蘇布政使曾國荃著交部
從優議敘候選同知直隸州知州曾貞幹著賞給
迅勇巴圖魯名號以示鼓勵朝廷賞功罰罪一秉
大公非獨有厚於該大臣也該大臣惟當督飭曾
國荃等乘勝進攻盡殲醜類同膺懋賞毋再固辭
上又諭內閣曰官軍擊退窺撲三山賊匪攻克繁昌

縣城並奪回魯港要隘克復南陵縣城勦辦甚爲
得手除曾國藩之弟曾貞幹另旨獎勵外所有尤
爲出力之補用參將會正明著賞給恆勇巴圖魯
名號並賞加副將銜補用知縣黃潤昌著免補本
班以同知直隸州知州補用並賞戴花翎補用副
將晏恭山著賞加總兵銜補用參將陶保堂成東
昂均著賞加副將銜補用遊擊張銓著以參將儘

先補用把總胡基茂著以守備儘先補用並賞戴
藍翎其餘在事出力員弁兵勇並著曾國藩查明
彙案保奏另片所稱奪回魯港克復南陵詳細情
形並著曾國藩查明迅奏

上又諭內閣曰此次鮑超一軍自拔青陽後未踰七
日連復三城勦辦甚爲得手殊堪嘉尚仍著曾國
藩飭令鮑超乘此聲威迅將甯國一帶踞匪悉數

殲除毋任久踞在事出力員弁兵勇著准其彙入
青陽案內擇尤保奏候朕施恩其陣亡之都司劉
蘭桂蕭榮貴羅雲軒守備甘少伯陳其美千總易
元愷劉仁運鍾高勝費朝富把總徐則勳易明升
王東升鄒祥順田安宇蕭萬勝張安貴從九品徐
銘外委彭文榜陽其庚蕭利山劉光榮張家喜湛
正海易飛林均著交部各照本職從優議卹

同日薛煥奏言蘇松太道吳煦等前與華爾約
同英法提督商訂會攻嘉定之舉因雨尙阻師
期臣檄同知周士濂副將熊兆周等各出隊伍
會合進攻南翔以爲西兵先導卽令規取嘉定
另派參將姜德督隊進攻羅店參將李恆嵩督
隊進攻青浦以牽賊勢周士濂熊兆周等於三
月二十七日馳抵南翔賊衆出巢迎敵被擊遁

入鎮內追至鎮外鶴蛇山收隊二十八日英法
將弁帶兵行抵南翔以賊壘寂無聲息疑其潛
遁遂與官軍共進直逼濠牆詎該逆火器驟發
英國兵頗受傷暫時收軍回駐南翔臣又派知
府李發琛等率勇繼進二十日華爾常勝軍亦
至會合進兵將南翔一帶賊壘掃平乘勢規取
嘉定其羅店鎮賊經參將姜德先將石橋拆斷

乘勢進逼該逆登時亂竄陣斬賊目僞審天燕
黃逆等多名至青浦一路李恆嵩親率小隊會
同曾秉忠礮船駛赴西門不分晝夜悉力圍攻
查中外諸軍合力規取嘉定業將南翔逆氛掃
蕩進薄城下姜德肅清羅店又翦嘉定羽翼李
恆嵩等圍攻青浦亦可杜其與嘉定之賊互作
應援辦理已有把握李鴻章統領勁旅已到四

千餘人紀律精嚴軍威壯盛足爲上海保障
薛煥又奏冒據州同葛繩孝等稟稱英法二國
將士會同各起官兵並常勝軍將嘉定縣城四
面合圍西兵攻南門常勝軍攻西門官兵分攻
東北二門同時並舉遂於四月初三日克復嘉
定臣當飭知府李慶琛酌留兵勇守城並各率
所部乘勝進攻太倉一面飛飭參將李恆嵩力

攻青浦以期次第恢復各城奏入

上命議政王軍機大臣傳諭薛煥李鴻章曰此次中外諸軍合力規取嘉定李恆嵩等現已圍攻青浦李慶琛等進攻太倉江南軍務頗有起色李鴻章統帶勁旅已有四千餘人到滬聲勢不爲不壯著卽與薛煥籌商調度迅飭李恆嵩等克復青浦太倉兩城此二城克復後自應分路進攻先其所急

務將附近上海各城以次收復再爲規復蘇常之計該署撫等務當計出萬全謀定後動以副委任本日曾國藩奏曾貞幹一軍克復繁昌南陵鮑超克復石埭太平涇縣曾國荃克復巢縣和州含山其西梁山等處要隘亦經克復軍勢甚盛若蕪湖太平一克卽可直擣金陵該逆見楚軍勢壯難保不下竄鎮江圖與蘇浙之賊連成一片疊諭李鴻

章到滬布置後仍赴鎮城督勦兼顧揚防著仍遵
前旨察度形勢並派委得力將弁留兵守滬仍自
率精銳前赴鎮江整飭水師以期南北各軍聲勢
聯絡如上游楚師可達金陵亦卽統率水陸各軍
實力助勦毋任逆匪下竄其上海防勦事宜如李
鴻章已赴鎮江遇有與外國兵丁會攻之處薛煥
仍當力籌兼顧將失守城池次第規復以期早日

肅清

上諭內閣曰此次官軍約會英法將士將南翔羅店賊壘埽平並克復嘉定縣城辦理尙屬得手著卽迅飭各員弁乘勝進攻將失守各城次第規復其克復嘉定詳細情形著薛煥李鴻章查明具奏英國帶兵官受傷並著薛煥加意存問傳旨嘉獎

十七日己巳山西巡撫英桂奏冒另股粵匪由南

陽內鄉竄擾陝境圍攻商州雒南所至焚掠該處距潼關朝邑不遠與晉省僅隔一河蒲州府屬之永濟虞鄉榮河解州屬之芮城等縣最爲喫重絳州屬之河津平陽府屬之吉州隰州屬之永和大甯汾州府屬之甯鄉石樓臨縣永甯等州縣亦濱臨黃河與陝西接壤均關緊要現在粵匪已入陝界所有晉陝毗連之處在在須

防已飛咨護太原鎮臣和昌酌帶官兵赴蒲解等處會同地方文武妥籌防堵並將續調大同官兵二千名以一千名先赴蒲解交和昌等扼要分布以一千名暫駐平陽察看賊蹤所向就近調遣仍留河東道劉子城駐紮茅津渡會同帶兵將領將在防兵勇逐日勤加操演俾成勁旅以壯聲威奏入

上命議政王軍機大臣傳諭托明阿瑛梁張芾孔廣順英桂曰另股粵匪山南陽內鄉竄圍商州維南昨據瑛梁奏稱此股匪徒已竄入南山孝義廳界內難保不回趨商雒折向潼關該處與晉省僅隔一河蒲平絳隰所屬沿河地方防務均關緊要英桂現已派兵扼要分布並調護總兵和昌由茅津渡改赴蒲解等處著卽飭令實力防堵毋得以賊

蹤已遠稍形疏忽並著瑛榮張芾督飭兵團將潼
關防務加意布置其竄擾孝義廳股匪卽著孔廣
順督率兵勇並瑛榮所派防堵各軍嚴密堵剿如
該提督兵力尙單卽著托明阿瑛榮添調滿漢官
兵前往接應勿稍遲緩

十八日

庚午

都興阿奏言逆匪退至龍虎集池南

一股由舊港至土橋雙橋五聖橋一帶又一股

由樸樹灣梁家灣等處踞險連營直接江岸欲待援賊續渡並乘暇時出竄擾本月初五日總兵詹啟綸派守備程義友帶隊數百潛赴徐家集一帶扼駐險要牽制賊勢都司李金鼐率領礮隊由高明寺渡河馳赴樸樹灣迎擊遊擊李福興等帶隊策應該逆出壘抗拒我軍三路齊進槍礮環施正鏖戰間逆匪後隊又由河北竄

渡接應經李金鼇指揮礮隊奮力迎擊執旗悍
賊紛紛倒地逆勢怯退我軍乘勢截殺逆隊亂
搶渡河溺斃甚多我軍追殺百餘名毀其浮橋
奪船二隻時已向晚收隊回營初六日新城舊
港徐家集新集四處賊匪出巢竄擾又經詹啟
綸派參將鄭啟貴都司李金鼇等出其不意繞
路橫擊都司周大有等帶隊策應戰逾多時參

將鄭啟貴突前衝擊將執旗悍賊殺斃四名該
逆左隊散亂我軍乘勢呐喊刀矛交錯復斃悍
賊數名該逆分路回巢統計兩次獲勝斃賊過
千溺斃者不計其數其滋擾土橋江岸一帶之
賊經黃彬吳全美飭派守備張天富等撥船上
駛迎擊轟斃不少該逆不敢近傍江岸初九日
據探賊匪復有北竄揚城之信臣料該匪敗殘

之餘未必遽敢回撲其聲言北竄必係虛張聲
勢暗爲退遁之謀當派副都統杜嘎爾等率領
馬隊連夜進剿該逆果於是夜西遁我軍馳追
三十餘里及於新城十二里汊該逆分路西奔
我軍馬隊亦分兩路衝殺逆匪後隊猝不及防
斃賊數百餘名投水溺斃者無算該逆前隊聞
信回援我軍縱馬直衝槍箭齊施適膺啟綸派

副將孫文友等督帶馬勇趕到合兵抄殺該逆
披靡奔竄我軍又追殺二十餘里始行撤隊是
日殺賊約共二千餘名生擒長髮老賊二十六
名訊明正法救出難民無數此次逆匪二十萬
衆圍集揚州城下百計攻撲冀圖狡逞我軍旬
日之間將此大股逆匪擊退保全完善之區人
心鎮定居民安業如常是皆仰賴

聖主隨事指示機宜

訓諭周詳之所致現聞逆匪退至儀徵以西分路打
館俟確探情形相機剿辦以期殲除淨盡奏入
上命議政王軍機大臣傳諭都興阿曰此次逆賊糾
衆二十萬渡江意在擾我揚防官軍以少禦衆併
力擊退尙有微勞該將軍雖未奏請獎勵加恩特
予給獎俾諸將士等知所觀感有裨防務該將軍

務當認真覈實保獎斷不可任部下開報致有功者向隅方能振作士心現在上游和含等處已經克復賊匪震疊聲威諒必紛紛南回第尙在儀徵分路打館恐揚防稍有疏懈難保不再行回竄該將軍務飭各軍曉以朝廷微勞必錄有功必賞加意嚴防或兵力足敷分布卽相機進剿殲除淨盡使該逆聞風畏懼不敢渡江方爲妥善該逆全數

竄回南岸後並著隨時具奏

上諭內閣曰官軍剿賊疊勝擊退大股逆匪揚城附近一律肅清剿辦尙屬得手都興阿堵剿有方殊堪嘉尙著卽督飭各軍將儀徵一帶匪衆悉數埽除以杜窺伺所有在事出力各員弁加恩著都興阿擇尤酌保

同日瑛榮孔廣順張芾奏言粵匪竄擾陝境於

四月初二至初八等日分股攻陷鎮安孝義兩
縣現仍盤踞孝義一帶後來股匪亦由商州
棣花竄往山陽縣尙有一股仍在距商州四十
里之白楊店查東路粵匪馬步號稱數萬山內
溝岔繁多頭頭是道我兵單薄不及賊十分之
一戰守皆難揆度賊情一入商州卽繞孝義鎮
安山陽勢極蔓延而所踞孝義地方距省僅二

百餘里難保不窺伺平原省城根本重地亟宜
先顧門戶臣孔廣順擬卽移兵藍田縣一帶分
別防勦臣瑛榮一面會同臣托明阿督率文武
官紳將省城防守事宜嚴密布置以安人心臣
張芾激勵附近省城各州縣團練協同官兵嚴
防各隘口以遏竄越第兵力尙單不敷分撥查
前任河南河北鎮崇安督帶山西官兵駐防茅

津渡刻下該處防務較鬆仰懇

天恩飭下山西撫臣卽令總兵崇安挑選精兵一二

千名並請

飭催河南撫臣令副將楊飛熊趕帶精兵二三千名

均各星速入關來省以資援剿至陝西自軍興以來各營馬步守兵奉調進征不一而足營伍空虛無過今日以致賊匪突至莫能抵禦仰懇

天恩飭下安徽河南江北揚州徐宿臨淮山東直隸
各軍營統兵大臣及各該省督撫將從前屢次
指調陝省馬步守兵概行撤回歸伍由臣孔廣
順督率鎮將認真訓練悉成勁旅以備本省防
剿奏入

上命議政王軍機大臣傳諭官文托明阿瑛榮嚴樹
森鄭元善英桂孔廣順張芾曰粵匪盤踞孝義一

帶後股復由商州棣花竄往山陽縣另股仍在商
州之白楊店肆擾山內溝岔繁多逆衆狡詐百出
難保不窺伺平原孔廣順移兵藍田縣分別防剿
著該提督嚴飭將弁堵剿兼施毋令紛竄孝義距
省垣不遠根本重地尤應先事豫防著瑛棨會同
托明阿將城中防守事宜嚴密布置務須示以鎮
靜毋涉張皇張芾亦卽激勵附近省城各縣團練

協同官兵嚴防各隘口毋稍鬆懈陝省馬步官兵
節經調赴他省該省營伍空虛自係實情第安徽
河南江北等處軍務現俱喫緊出征兵弁急切未
能撤回其崇安所帶防兵駐紮茅津渡仍應防匪
回竄且崇安並非健將調往陝省亦恐不能得力
而南山防剿又屬萬分緊要著鄭元善將調赴防
河馬隊五百名迅卽飭令馳回關陝以厚兵力楊

飛熊一軍著卽飭令督帶全部星速入陝截勦豫
匪分道入陝鄭元善不能堵截貽患鄰封實屬非
是著派兵協助陝省勦賊方爲正理豈可以驅賊
出境爲了事
前因商雒告警諭令官文調派鄖陽
鎮官兵赴援現在該逆竄入南山連陷驪縣豈容
坐視不救著官文等迅飭該鎮越境迎勦毋許推
諉

瑛榮又奏言此次粵逆突入陝境竄赴鎮安孝義一帶該廳縣相繼失陷臣未能先事豫防實雖辭咎應請

旨將臣瑛榮交部議處至提臣孔廣順到省尙未接印卽督兵往剿兵勇未齊賊卽竄陷鎮安等處並非督辦不力合無仰懇

天恩俯准將孔廣順免其議處之處出自

鴻慈奏入

上諭內閣曰皖豫股匪竄入孝義廳鎮安縣兩城相繼失守陝西巡撫瑛棨未能先事豫防實難辭咎著交部議處卽嚴飭帶兵將士迅速攻克毋許遷延再干重咎該廳縣城失守情形及文武員弁下落著瑛棨確切查明據實具奏固原提督孔廣順甫經到防兵勇未齊尙非督辦不力暫行免其議

處仍著該提督調撥各路兵勇將竄入陝省之匪
實力勦洗毋稍鬆懈